

Innuttaasut peqinnerulernissaat pillugu suliniutit sukkulluunniit atuuttut piviusunngortinneqarnerinut tunngatillugu suliniutit pillugit Naalakkersuisut ataanni akisusaallutik ingerlatsisut kommunillu akornanni pituttuisunik isumaqatigiissuteqarnissaq pillugu Naalakkersuisut peqquneqarnissaannik Inatsisartuni aalajangiiffigisassatut siunnersuut, taamaalilluni ataavartumik killiffimmik nalunaarsuinerit, nalilersuinerit aammalu innuttaasut peqqinnerulernissaat pillugu suliniummi immikkoortut ataasiakkaat aaqqigallerneqarsinnaalernissaat qulakkeerneqarsinnaaqqullugu, kiisalu suliniutit pingaartinneqartut suliallu ingerlanneqarnissaannut naammattumik isumalluuteqarnissaq anguneqaqqullugu taakkulu peqqinnerulernissamik angusaqarnissamik kinguneqartussamik inatsisiliornermik malitseqartinneqartut. Naalakkersuisut kingusinnerpaamik UPA 2013-imi suliniutip taassuma inernerit pillugit Inatsisartunut saqqummiussissapput

(Siumup Inatsisartuni ilaasortaataitai)

Akissuteqaat

(Peqqissutsimut Naalakkersuisoq, Agathe Fontain)

Aappassaaneerpeqarnera

Naalakkersuisut Ilaqutariinnermut Peqqissutsimullu Ataatsimiititaliamut siunnersuummik matuminnga suliarinnissimaneranut qujapput.

Siunnersuuteqartup siunnersuuteqarnermigut Naalakkersuisut innuttaasut peqqissuunissannut pilersaarummi suliniutit sukkulluunniit atuuttut kommunini eqquneqarnissaat pillugu isumaqatigiissuteqarnissaannik eqqanaarinninnissaat kissaatigaa, taamaalilluni ataavartumik killiffimmik nalunaarsuinerit, nalilersuinerit aammalu innuttaasut peqqinnerulernissaannut suliniummi immikkoortut ataasiakkaat aaqqinneqarsinnaalernissaat qulakkeerneqarsinnaaqqullugit, kiisalu suliniutit pingaartinneqartut suliallu ingerlanneqarnissaannut naammattumik isumalluuteqarnissaq anguneqaqqullugu.

Taama pituttuisumik suleqatigiinnissamut isumaqatigiissutit, suliniutini anguniakkat suunerinik, isumalluutit suut suliniummi atorneqartussatut naatsorsuutigineqarnerinik, suliassanut sorlernut kia akisussaasuuneranik, suliniummut piffissap atorneqartussap sivismussusissaanik, aammalu inaarutaasumik nalilersuinissamik ersarissumik oqariartuutillit Namminersorlutik Oqartussat kommunillu sulinnissaanni pitsaasumik sakkussaasut Naalakkersuisut isumaqarput, soorlu aamma anguniakkamut pineqartumut ataqatigiissumik sulisoqarnissaa eqqanaarneqasasooq.

Pituttuisumik suleqatigiinnissamut isumaqatigiissutit ataatsimoorutigissavaat tamakkununga aningaasartuutaanerusut, sinaakkusiussat iluannit imaluunniit ataatsimut tapiissutissat isumaqatigiinniutigineqarnerini sinaakkusiussat naapertorlugit aningaasartuutigineqarnissaat.

Ataatsimiitaliami amerlanerussuteqartut, tassa Inuit Ataqatigiit, Siumut, Atassullu siunnersuutip maannakkutut isikkoqarluni akuersissutigineqarnissaa innersuussutigaat, Demokratilli kommunit namminersulernissaannut aamma kommunit Namminersorlutillu Oqartussat akornanni piginnaanernik agguataarinermi tunngaviusunut innersuussuteqarlutik akerliupput.

Naalackersuisut isumaqarput kommunit namminersulernissaannut aamma kommunit Namminersornerullutillu Oqartussat akornanni piginnaanernik agguataarinermi tunngaviusunut siunnersuut manna aporfiungitsoq, akerlianilli suliassat imminnut qanittut illugiilluni ataqatigiissaarnissaannut pilersaarusiornissaannullu qulakkeerisoq.

Siunnersuut saqqummiunneqartoq Naalackersuisut suliaannut maanna ingerlanneqartunut naapertuummat, inassutigineqarpoq siunnersuut akuersissutigineqassasoq.